



素翁續集卷四

男達編輯

姪孫大黼校刻

七言律

留別諸老

遂歸成喜亦成悲
貯結真同在位時
白壑青丘憐獨往
碧霄涼月夢常疑
趨陪定記心中話
契濶聊哦醉裏詩
萬國高呼齊玉帛
兩班遙迹重臯夔

鶴袍元不戀漁簑
精力曾如老去何
混迹巢由能自許
諸公堯舜望應多
直從聖學開天縱
薄與斯民乞歲和
海上山靈驚往別
閒身還屬素雲窩

留別 內閣四老

曉鐘涼月動冠紳，仗外仙班拱帝宸。
九服輿圖商今主，四朝軍國宋師臣。
壯猷紫殿傳宣亟，舊學黃扉顧問頻。
老愛太平還物象，許從雲水乞閒身。
手完大物謝無功，開德宣符志慮同。
鄂郢孕和深，王氣雲雷成象苦。
良工中興帝業風，斯下通道王臣水。
盡東一體天休平，格在未由心迹寄冥鴻。

留別少司寇顧梅田翁并諸賢

暮年此出重何功，相悉寅僚意許同。
默有生全培帝德，薄存仁厚贊周風。
麗天星斗心懸北，浹月官河路轉東。
沒首平反餘繫念，不禁哀颯對秋蓬。
待罪公曹夢許驚，率先時共贊無刑。
繩違如例施操縱，衝決何情易重輕。
三典敢忘天地德，一心真欲鬼神盟。
爽鳩千古憑誰嗣，直到蘇公始姓名。

留別鄉諸賢

帝城南去是歸裝，翹首雲天思轉長。
吏冗少神隨事忘，病魔催老到家忙。
人心未必能三代，道化先須盡一鄉。
麥飯魚羹酬舊隱，水烟山月夢溪堂。

襪材終短重何裨，衰颯偏於老作期。
霖雨已孤憂旱望，卿雲空見出山時。
天南候鴈隨將去，客裡周星感又移。
話別

來賢心更切棘林鳩夢未安枝

秋卿外直別話

解衣盤礴試新醪過鳥秋清下羽毛已愛道人論心曲不
知僧舍是公曹暮年去住情難割後夜交遊夢轉勞月色
江聲寥寂外坐深槐露濕征袍

贈江藩伯景熙同年宮保東川公子

文物東藩喜近臨故人爲別意還深名家型範平看副裕
國源流信許尋安得三錢長米價祇知一粒自民心常平
舊格今誰問老愛雲庄是好音

次白岩燕泉贈篇

南歸應得共秋鴻小借江帆兩月風收到粉榆還暮景抱
回畎畝是餘忠大家未信藩籬隔少室真憐臭味同舊話
老農深 帝力間身雲白雨青中
分淺遭逢已後時餘年空與病相隨地天共喜雲龍會丘
壑真憐野鶴姿起贊 中興曾幾策遂歸長別可無詩舊
行假跡嵩呼下縈結心多是此辭

次吳白樓卷中韻

文會雞鳴記往年秋山回首 四朝前典刑數老今誰在
風雨重陽句尚傳禮祀放晴中夜月齋壇分碧北陵烟直
廬奎聚翻成感舊臆新棕一闍然

東郭草堂話別次白巖南塢燕泉惕菴聯句韻

文華飲德共依光野莧山薇自別腸擊轂大疏勞出祖爨
桐中散望升堂例隨芟製脩初服春與花枝漏一陽皓首
薪歌無患福夜闌清夢屢江鄉

內廷辭叩重加難忍盡柔腸泪暗乾立近御爐香細細

歸隨輦路珮珊珊年踰祗覺行艱蹇才小難禁事錯盤祖

席載移公不淺山容野色助悲歡

山衣野屐四朝臣老竊班行荷縉紳午谷逃虛東海上

卯橋訪舊大江濱歲深老樹垂斑癭風細平湖積素鱗歸

去吏書無却事偃松高桂識吾真

首白交遊重數公祖筵別後復移東出門少海天容淡分

袂西山夕照紅老去肝腸餘繫戀邇之精力失豪雄艸堂

不為疑猿鶴上德朋情積壘中

寓直話別次白巖南塢燕泉聯句韻

匏繫何情出屢希調孤俗尚故應違閱來滄海應三變數

盡長鴻是四歸草野生成天地德玉關離合鬼神幾雙溪

雲水經年別細葦新蒲暗舊磯

淡日追陪不憚勞放懷時為禿霜毫文昌夜燭三台上風

望晴看兩嶽高已辦壯猷當世責未酬繪句入詩豪秋殘

斷飲渾無味空有黃花對蠨螋

聞自齊至楚早荒用韻志感

轉移無力愧愚公
杼軸何情見兩東
竟歲山農空事育
太倉官粟幾陳紅
抱愁不問身眠虎
赴急真思力當熊
大統入承瞻 聖制在 天七廟慰臨中

白浦悼章

元氣栽培語不虛
二童一馬化行餘
邇之靜海忽凶報
昨者天津是薦書
李郭交遊傾蓋晚
彭殤修短賦形初
倔强造物相降會
長訣心多尚屬余

燭前老泪落班班
太息吾流竟此還
正氣直拋存歿外
要官時置有無間
輯來諫草堪乘世
堆到遺書莫買山
寄取諸孤勤護植
德門天道是循環

約九日飲遂翁信宿方到紀懷

菊花端為主人開
悔後重陽一日來
依舊兩山同對酒
及衰雙脚強登臺
天空鴈影將雲過
風亟江潮帶海回
莫謾交遊論老別
物情銷盡幾寒灰

贈王履約履吉二生

水月相忘坐此清
緇衣空竊好賢名
吳中詞伯還雙陸
洛下儒宗亦二程
幾信官墻無路入
極知水火有人爭
傳心好亦當年事
三絕韋編付短檠

悼樊清簡公

身素續集卷四
言
五
水水山山道路長故遊一辨僅誰香食腸皓首平生壁壘
骨青岡舊味棠宿草西風懸老泪華星東閣繫幽光却憐
石馬經行外閱盡人間有許忙

臨濟雨至衢尚未晴感事

村舍飄來僅幾椽竈沉何處復青烟雨餘藥裹兒曹累晝
寂官齋老思懸一霖過關宜有數四窮倚命恐無年燮調
陽德方亨會人事天心一憐然

偕祝遙緒訪武夷述懷

石林破影上漁磯九曲聯舟訪翠微白鶴不隨仙子去青
峰偏約主人歸剝來田蕨供新笋收得溪籐補綻衣大隱

山前繫長戀紫檀香火護石扉

綸竿何物此危磯作者當年意亦微起落世關閒較量行
藏吾道信依歸學工幾試屠龍技性懶真酬卧犢衣老向
仙靈話情曲碧霄清夢尚黃扉

楊大正陶園用天遊韻

眼於山立寄峨嵋少壯年華鳥一過再世兒孫盛梧竹小
山猿鶴共松蘿泉分藥圃頻催灌酒熟林翁不廢哦却向
柴桑話疇昔邇時花似晉時多

碧雲為幙艸為裊謀老應還自在身畎畝不忘心內事神
仙元是世間人攢眉社約雲猶懶俸腹農談日許親最喜

和陶無却事床移天外晚山頻
驥隙光陰祗自勞貂裘曾改木綿袍癖深泉石百方少懶
過山林一着高異景每憑天作幄激流偏與石爭篙亦知
桑棗成陰地別有人間不姓陶

舟至建溪諸公走价候迎咄咄

日華野色動歸旌江上仙風有使迎白葛載成方外製素
琴先寄曲中聲縱懷文字飲三日寓目家山路四程老得
謝還 明主賜跡孤元不爲媒名

四休述懷

老去官書可自由百年吾道信滄洲本無異術勞三往竊
有閒名辦四休紅雨滿江楓葉暮青霜孤徑菊花秋抄來
種樹堪長日靈草從多莫漫求

野坐山行適性真古松晴雨帶丰神雲雷本出經綸地烟
水重酬縱浪身夢熟茶聲風細細調傳琴意水鱗鱗載回
白鶴非忘世引領長天十二辰

鰲峯閩佳處近輔益之境益奇賦此

荒荒人世一微塵四極坤元老化身混沌當年良未死參
寥從此重翻新雲天漏下日三足雪浪吹來海萬鱗莫漫
仙流訪蓬島紀綱物象鎮金閩

壽彭幸菴孫九峰

身素編集卷四
言
七
詢謀黃髮詔應同公自西來我自東一代才猷幾司馬兩
人心迹舊冥鴻頭顱未負移山力精血憑酬補石功最有
居閒圖報地挽回約質替堯風
乞山積壘荷温存青社閒行亦主恩日繞蘭陂騰海蝨
雪消葱嶺夢河源辛盤細割釐心膾乳釀時傾瘦木尊聞
說官高還負責老於獨樂未開園

梅與茶並開

小堂歲裏賀春來茶花梅花相應開萬木變衰寒欲盡二
陽乘候暗將催並經風雪名偏亞獨倚闌干首重回委分
東皇看繫落要門璿樹幾蒿萊

舟過雲莊

木蘭有約遡回溪酒熟村莊許自携兩住峯憑雲出沒舟
行天與樹高低寒餘野蕨生還短淺落江魚見復迷便老
一閒身却病艸堂空着灑東西

贈潘憲副希周督海道浙西

山匣青萍價舊高外臺風紀屬時髦未言地接巘廊近且
得身離郡縣旁化及炎州消瘴癘威行渤海肅風濤龍山
石浦無傳箭不信書生擅六韜

哀宮保九峰翁

暮年相見本無期起落新朝兩舊知悔却班行催老大

身家集卷四
言
轉於床褥話分離昔懷有泪金曾鑄遠計無音鶴尚疑一
老典刑中外望卹恩非爲郢人私

倦客平陵賦繭窩到門黃紙重如何勉隨星使瞻雲日却
憶山人就薜蘿夢易已憑占數盡啓衾真自覺心多景仁
君實肝腸話老泪溪頭酒逝波

山庄

萬松深處結茅堂鷄犬相聞亦我庄已擬鄉名還屬鄭未
緣墩姓不隨王住山城府元無跡守業桑麻舊有場披豁
荔林坐忘久角巾時帶野雲香

初晴

沉冥書卷歷陰霏忽起山堂望翠微風日隔簾花裊裊晴
嵐別樹鳥飛飛滑深泥磴脚無力綠淨沙畦藥正肥帶得
紫筇閑傍險素屏高處步晴暉

偶興用杜崔評事韻

習靜雲庄絕送迎綠陰濃處漏微明敢論素洞無餘寄只
爲青山不到城幾月交親渾信斷百年吾道未身輕檢方
修藥周方外閒傍山陂引犢行

夢待經筵寫懷

老愛雲庄畢素緣覺來天上夢常懸垂衣 聖主顏如舜
應錄山人骨已仙日統 法筵宮扇引風回輦路御鑪烟

見素續集卷四
夢隨賜食文華後細檢周書無逸篇

賀楊宗伯月湖致仕

長鴻天外信誰留
珍重山人故倦遊
作雨已收雲滿洞
感秋應放雪盈頭
四儒正學加尊信
二傅高情遂老休
得謝尚書還給俸
轉於何處覓巢由

素臺所見

鳶織蛇蟠徑路迷
古松深處結幽棲
鶴從縹緲歸來疾
天入蒼茫看轉低
怯老不隨山屐盡
懶眠真約野雲齊
邇時西澗花還發
風景依然似浣溪

壽太保九峯翁用壽幸菴韻

訪落新朝詔命同
兩心江漢共朝東
故人別社先春燕
舊客長天感暮鴻
綠野開園重有約
白衣給俸獨何功
典刑一老青峰下
蘿屋蕭然領世風
憶昨論心古意存
老酬完德荷殊恩
紀綱六職行機綜
咀嚼群經入本源
輔德盛傳新政異
拜官應帶舊銜尊
陽春一曲相望地
風景依稀似午園

寄顏司寇梅田翁

野客重來最厚顏
金鳴時置左縣間
文於老去如逃責
身為行難轉怕山
桑影扶疎朝日上
鶴音縹緲暮雲還
丹青未穩官衙席
天上神仙屬押班

溪堂偶成

最陰森處一溪堂天與山人住小庄風挾潮聲來遠嶼雨
移雲氣上晴岡桑田隱約經三變野鶴遨遊領八荒進履
青壺參妙訣洞中日月此教長

錫宴次韻

大老石翁楊先生少師四考加大傅力辭 勅書

褒諭錫宴禮部適公誕之晨九列俱陪公紀二詩
傳至雲庄次韻

秬鬯明禋宛舊儀大烹傳賜出前墀南宮讓席承偏重中
使分庖散轉遲獸舞鳳儀呈雅樂 天申嶽降會昌期榮

陪媿少者英後飽德同歌既醉詩

平章禮絕星辰上燮理心懸夙夜時曠典特從昭異盛緝
恩兼爲誕彌私經綸歲久四朝屬版宇功深九廟知最是
保恩平格在謝歸客放赤松師

答周八厓謝閩果二詩用其韻

晦老題名石尚新故枝猶識宋時春席陰未覺年年盛摘
實翻憐顆顆勻風味僅隨秋白品市聲空闔早紅塵繡林
延壽應無數合是溪橋一本真

誰家名果惠山堂分致應傳屬大方吏部朱纓容續譜右
軍青李未隨行玉枝裊裊臨風摘金汁油油帶露嘗夙歲

京華曾識此天留奇種遍無傍

贈太老石齋翁致仕

禮絕官僚識羽儀 九重動色注東墀
手扶日月中天上 志在雲雷下直遲
大老忍堅違雅尚 太平深切望來期
錦江烟水行箴外 潞國人傳有賜詩

位極功高謝亦宜 眼中曾復見同時
鄭公人國心偏重 呂相兒孫福自私
憶賜黃扉麟幾易 得來青社燕先知
三楊相業圖形在 共指凌烟識帝師

茗川爲徐子明題

憶卜城中已歲年 故園雲物尚依然
神清不斷愛茶癖 官瘦真無食肉緣
龍焙禁前收紫笋 玉塵銷盡見清烟
葛溪一水來天地 自在中流陸羽船

食延壽紅金桃再次八厓

歲歲年年話食新 歷來五百尚餘春
珊瑚珠綴油幢滑 孔雀錢開寶扇勻
子小離家曾錫類 肉香擲地不沾塵
近來市井攘名姓 風味從嘗恐未真

小園覓果旋開堂 天上傳來和露方
嘉惠夜煩青鳥使 素香春伴美人行
分甘侯圃瓜時熟 飽德賓筵黍後嘗
最是品高防預竊 悔非苦笋遍山傍

贈太老蔣敬所致仕

身素續集卷四
言
一柱頽流勢盡東碧天寥闊見飛鴻名於星斗歸耆德功
在朝廷倚愨忠國史特書唐上相鄉人初識漢三卿官舟
泊晚龍關下猶記南征涕泪中
歷盡艱危宇縣新漢家柱石舊元臣翼龍雷電擎天手刑
馬山河相國身道在必行功豈計老於決去疏還陳麟袍
博取漁簞月蕉鹿曾論夢與真

雲庄菊日起岩必東諸賢過訪

有約臨滄訪翠微踏晴林鶴故相依小山叢桂花初密佳
節重陽菊尚稀月轉半岡催送酒風回別樹笑傳衣不禁
短榻孤眠外猶起高情數啟扉

老愛登臨足力微少林桃竹轉深依重陽物候今能減四
妙風流眼似稀把菊近隣還送酒對床有客感留衣最憐
薄晚青山色獨對床前白板扉

遊鳳山

野水橋邊竹正蕃據床有客話寒暄白雲滿地僧開徑芳
草無人鹿到門海氣隔林峯突兀鐘聲催月寺黃昏菊花
况及重陽候細酒溪魚出近村

宮人入道次韋蘇州韻

落盡桃花色已衰內家紅綠遍前墀緡經幾意能成道覽
鏡當年悔畫眉紫府踈鐘人靜夜珠庭香几夢醒時雲和

不信人間曲青鳥翩翩髮正垂

喜雨

屬耳雷聲勢轉狂雲霓望望正江鄉
鶴知天道團雙井雀入田家住蒲梁
屏翳化來衣漸白赫炎消盡氣初涼
瓦盆近報村酤熟沾濕相過也未妨

贈次峯次陽明韻

假寐官齋作晚晴雷陽何意動先鳴
眼間世事祇如夢海上風濤故未驚
沃壤不殊忘在客好山無數重茲行
聖皇孝理崇堯舜驛使傳來是吉聲

如面人心豈盡齊危微精一屬叅稽
四儒歿後留遺響七聖途窮待指迷
海邑言游今禮樂越裳職貢舊航梯
桃源此去無多路老愛相從是建溪

和韓太保洪洞相憶韻

桑海門前信闕三故人山北又山南
四朝著蔡心俱屬一壑風烟老自堪
水岸碧桃花短短月庭青桂影毵毵
極知天意垂仁壽寬與耆英作盛談

再次重陽韻答汪石潭

白氣橫空暑力微海鄉黃樹正依依
子安詞賦今能幾元亮風流世亦稀
慰老秋容應晚局感時寒具且新衣
龍山得酒還乘興看菊西鄰一扣扉

癱廢床褥一夜不能寐感懷

問野居然見異同此心江漢共朝東
上天履經維外死別生離感慨中
已悉華夷知大孝幸垂日月照諸忠
湛恩豈靳輪臺詔寬與孤嫠洎息紅

甲申冬右手足忽廢彌月始復書懷

柴瘠筋骸已自知却分右半與偷兒
恐書絕筆獲麟會尚想張宜獵兔時
人面每憐夔一足山堂空憶樹連枝
適來藥物功尋奏約伴雲壯重有期

病中憶石潭昆季

爲纏末疾歲將窮過盡紛華與化工
細草烟村懸抱犢碧江秋水見歸鴻
吟邊野色雲晴外竹裡棋聲午夢中
渡洛素懷耿耿倚松無語對西風

偶述

散盡輕寒與木綿踏晴隨意歷風烟
新桃得酒銷春帳老屋臨滄結素緣
食荔每憐天一借服松直許訣相傳
何當石枕雲莊下讀遍南華內外篇

甲申冬地震晝黑紀事

自冬積雨春仍似地震晝昏殊可憐
南下春書方幾捷北來消息又三邊
乞山不斷憂時感脫蓑終拋住世緣
最苦斯生無酒量未由長醉謝焦煎

望壺

老足蹒跚出轉慵故懷長寄最高峯不妨發歲已春草落
盡斜陽未暮鐘碧井流泉雜環珮紫霄雙劍削芙蓉雲莊
只尺移情在不及南隣地幾弓

感春

老於不斷是凡情枕上殘書結死生郭外好山頻入夢庭
前芳草絕經行風飛素雪消青鬢春盡寒烟鎖畫屏西北
甲兵何日洗勉扶林野賀升平

素翁續集卷四

素翁續集卷五

男達編輯

姪孫大黼校刻

七言律

東滙感事

病坊雌伏轉關情東滙扶行景亦清立鷺野田明素雪亂
蛙塘水答新晴人家幾待桑麻熟海賈空傳米穀平聞說
村村曾舉火出門割愛重吞聲

壽從子仁卿

子梧穉竹上青烟轉瞬風光六十年服賈食家儒固在王
盟睦族義仍先車船五鬼無窮送魚笋千心有孝傳子姓

見素齋集卷五
行中吾獨許勉將情事對皇天

病嘆

藥力何神造化爭雨深足重轉難行老於忘事宋華子壯
不如人鄭燭生道責乾坤良自信息緣晝夜本無情雲莊
一席棲玄地風起濤來蛻亦驚

賤糴志喜

積旬風雨作春寒是處平流瀉激湍南野烟花愁外望小
庭月桂病中看照癡轉見催租急舉火翻憐度日難晨起
忽聞開賤糴老懷重爲放情寬

世壽堂次韻

倚江巾幅拜狐南掩映神光此盡涵壽種素風傳老大法
筵黃醪酌芳甘下來海屋籌應滿歷到乾坤玉已三欲向
周家看淳質青城路斷幾容參

次喬白巖謝寄山中

山人石屋帶雲開舊雨時時夢往來分去葛巾籠日月配
之蒲萋謝風埃獨行栗里名偏盛小製伊川式許猜脫盡
寰區與烟水不煩宿留向東萊

次汪少宰咸齋用邃翁見懷韻

竝枝花萼映東樓夜夜神光燭上頭二陸文章當代盛兩
蘇情事古人憂夢回碧落聞孤唱清入滄浪有釣舟泊醉

葛溪秋色裡不知山月出還不

病中用前韻自解

異方誰與授神樓坐久翻疑膝過頭三尺腰圍驚太瘦百
心藥裹動深憂悔孤雲寄登山屐幸理風回到岸舟最是
淵冰餘日在手編曾記了殘不

次張方伯兩山登丹霞

洞門有客試荷衣忽報脩琴野衲歸風挾泉聲過子院日
移霞氣上禪扉仙龕一種書還異靈谷千年韭尚肥靜裏
乾坤真自得玄談誰了俗塵非

登麻姑

老於歲月去如飛與客隨緣叩板扉汲取玉泉淘野飯製
來絲葛試仙衣辭榮忽覩擎天柱搜勝誰貽放鶴磯隔斷
塵區酬舊隱渚風沙月未相違

所見

誰以無涯混有涯百年吾道大方家力難自可安巢拙陂
斗何須較轍斜筭老每憐餘景迫策羸直覺去程賒雲中
鷄犬今何處莫漫尋真嚼紫霞

雲寄紀懷

短黎扶醉冒林霏線路登登轉翠微覓靜頗煩神獨往慰
懷真愜老相依移來松桂生還密羈住山雲出便歸假寐

石牀動村鼓夢回猶覺世情非

送汪可亭節推報政

嘉石衡量法許平海鄉隨處絕冤聲饋鮮偶值懸魚在入
覲真憐鬻馬行九石潭邊度梨嶺獨峯江上見桐城名公
行列來賢事碧落秋高老氣橫

過訪雲莊

次第長林起曙烟跛羸扶上木蘭船水紋細皺魚常躍野
色荒涼月尚懸百丈分流入南浦千尋積翠起中天莊前
荔樹生來合叢桂花開總自憐

寄金蓉溪司馬

鵠立仙班識羽儀孤忠端荷四朝知曉醉楓陛旁看壯秋
入蓉溪舊有期西夏安攘經國計內廷獻納蓋臣私浮雲
野水寬閑外沙塞無塵屬遠思

書懷

壯遊三辦乞閒身 詔起翻於老出貧食力幾還干筆研
竭愚猶擬答涓塵兩間獨復求真我一席公叅對野人雨
節風時關泰運八荒同幸泰平民

二泉問無書和答

病坊啼鳥各烟蘿相憶時時夢一過月裡仙舟誰李郭花
前詩句自陰何海門風起連魚斷秋日詩來對句歌藥力

不酬身轉瘦過橋巾影落晴波
倚秋高閣上松蘿載酒時聞有客過風月幾人似陶謝春
秋有筆罪王何年催景莫愁曾結病起詩難強爲歌十二
行窩遊樂遍釣徒還擬歷烟波

曉日遙憶

九達夜色尚濛濛多少夜冠禁漏中鴈影星河天漸曙鷄
聲瀛海日初紅金貂次第傳中詔玉珮從容引上公一德
君臣千載合老還猶擬附餘衷

七十五書懷

過鳥光陰可自由稀年五度又春秋淹纏世久心多厭樹
植功踈意獨留遙望每憐平野綠得歸還記小山幽蒼苔
碧石高閒外無據神仙莫漫求

次韻答李敘菴

風時雨節海平漫深有餘忠卜治安系出西平原屬李名
於北斗共推韓清朝世運交還泰壽母心期老更寬愛日
堂深強健在板輿花底副遊槃

次韻答喬白巖

結托青林老已衰孤卿南北擅真才舊人特首新朝索別
夢從先故國回鐵石素心良自副菊松荒徑待親裁最憐
妙覺當年會巾舄無因竊後陪

寄白巖少保

隨處開花又落花石巖未老結烟霞天卿舊沐四朝寵柱
國仍傳八制麻自信行藏應有分極知歸去尚無家晉公
綠野經行外瘦鶴時尋一徑斜

寄幸菴少保

薄有桑麻莫種瓜月輪半俸似公衙舊傳蓬島神仙宅重
是蘭山保傅家架上軸多書尚積牀頭金盞酒還賒先零
邃老經猷後物論煩公更建牙

望雲莊有懷

江上青林識舊村亦知竟歲斷來轅短筇細路春來合絕
壁寒泉雨不渾移樹有鸞尋伴侶過家無鶴訪兒孫夕堂
老憶陪隨地芳草難招聚窟魂

笑遣

老歸猶是舊林居隱几青峰一笑餘蜀漢出師元有表茂
陵封禪故無書遺榮短景從消滅素節真鋼忍破除自是
遊魂招未怙忽傳風馬與雲車

不雨述憂

吹盡高雲別一天驕陽舞禍故無前人間始信雨成玉門
外真看海化田闔郡生存懸此日幾家事育應明年江湖
老去知何用一夜西風雪滿巔

長安集卷五
言
和鐵橋都憲夢余過郭西韻

千仞峩峩覽德輝地分閩粵重相違故知水斷無魚到却
望秋高有鴈歸調絕幾容尋杜句菊香還擬着陶衣龍山
薄與吾雲近竹杖人扶力尚微

次宮保質翁哭如賓韻

東閩川嶽會神奇及冠操存俗已移張陸忘年君與我孟
韓知己世還誰道真自信貧能樂物候番憐老易萎過盡
城更寒轉寂月斜孤影鴈垂垂

赤日相從一問奇短床時傍柳陰移譽流海宇今猶在行
貫神明眼復誰榆景鬢踈兒幾抱萱庭秋重母先萎閉門
尚記征西日舉武無從老泪垂

贈族弟世崇

世錫瓊林又子同廣文上考僅從東鷄聲曉度梅花月鴈
影秋隨蘆荻風驛路易聞京國信講堂偏識布袍窮眼間
通塞居前分造化無言屬至公

祝篁溪鳴和惠詩次韻和答

人世浮名紙一張覺來深戢與雲藏詎知歲儉雨如玉到
得秋收粟幾房膚使隨行懷靜切老人蘊結夢仍長衾綢
斗米曾論價垆野霜清子鴈翔

再次篁溪韻

風望稜稜屬弛張滿前豺虎盡消藏斗問紫氣劍三尺仗
外虹光書滿房執憲每推周舉右作詩還坐景猷長清時
一第收來蚤聞說諸生價已翔
相隨白鹿戀分張知有神仙是處藏古洞頰霞騰羽蓋絺
簾初日照芝房閱來風景頻年換看到兒孫似我長石枕
孤眠晝無事海天高鶴任翱翔

教二子

一脉真源世不孤亦知混迹未迷途機圓翻信巧成拙墨
守終期智破愚幾辨義田隨二范別尋文派附三蘇相仍
仰止瞻依地留與諸孫作畫圖

卽景

十二芙蓉江上峯夕林秋影坐來慵雨昏素幔妨歸燕雲
起澄潭有卧龍漁父欲尋桃洞入野情不博酒泉封一行
鉅老裨新政却愧青丘是故農

壽左司馬山齋六十用翁自韻

碎穀歸來值歲週壽筵春餅嚼新柔山前雲物歸青野杖
外花枝對白頭臺省望高行再召粉榆景好足相酬流行
坎止吾儒分盤谷何勞問某丘

拄杖青丘分已踰畏途何處是停車斂浮已付雲歸洞習
定真成水到渠忽報卿垣纏象魏祗疑仙子住樓居董狐

身素紀集卷五
詩
若問收遺稿猶喜都無封禪書

梅初豆

野寺行來春已遲
隔墻青子重新枝
老於摘實渾無味
與在和羹屬有期
東閣簷垂香外雪
西湖譜續畫中詩
覓音忽感花神惠
月落星橫起夢思

五言排律

雲莊紀物三十一韻

老深酬懶癖幽勝屬庄家
走院溪藤暗綠丘塢竹斜野
萃時卧鹿埴井亂鳴蛙陰壑
蒲初笋陂陀蕨正芽
壑行令公萑盤剝故侯瓜
山柿辭殘蒂嵯梅落故了砂
精霜候橘粟

粗雨前茶壁檜懸絲紐岡桃散錦葩
藥苗闌錯種石乳穴粗把海濶潮雙信
蜂喧日兩衙寒幃過林鳥拄杖落岩花
鄰里鷄豚盛晨昏鶴鵲譁三陽時轉泰
一熟歲仍加事育差年計輪迴宛物華
士風存梗概人語隔煙霞兔狡何曾得
魚馴漸可义抱寬餘垢納持少斷汗邪
豪興閒還覓頽齡促任賒蒼精化猿鶴
綠骨幻龜蛇末路看如砥浮生似有涯
詩材衰愈退飲量晚微加禮讓聞鄒魯
懷柔憶漢巴歷危欺足繭乘醉岸巾紗
風掣垂天翼星回貫月楂無錢具鮭米
與客且桑麻齋集僧魚供膳分社鼓
耙至音傳要妙大雅會亨嘉鬼鑿仙龕
細柴聯棧道遐規規投索莫頗

頗謝紛拏學竊董生苦詞疑左氏誇帝臨收暮局一着敢容差

余仲粟約中赴海南道別

珠崖開粵鎮兵衛壯殊方烏鼠馴諸洞蛟螭避七洋梯航周道路卉服漢冠裳廨宇花梨柱人家牡蠣墻陶型居上品繩引重官常預葉分黎飯椰盆昨蔗漿浦珠聯象郡夷馬湊牛場羅密駢村市檳榔並舍嘗菓坊人面白酒榼樹頭香業往容仙分閒貽且國章颿墻經應港祝帛祀靈岡白浦通潮閣芳泉洞酌堂曠懷忘在客多景勝吾鄉守靜宜低屋填飢尚太倉雞蟲曾得失鴻燕自行藏筆勢江山助圖經水陸長長公便老住伯紀惜歸忙天路夢千里朝恩字幾行不應船上鶴又伴北還裝

壽白巖用山齋韻

地紀臨西晉天官近北辰四朝文與武三事甫兼中龜組英名盛麟袍峻節新腹松符昔夢海鶴讓丰神冀俗清還淡堯風質更淳兩儀歸燮理百辟待陶鈞大雅垂臣鑒精忠動帝宸逆鱗排內降削稿疏南巡瑞日桃分露春烟燭晃銀仙班誰第一資聖繪中人

六言排律

賞菊次胡支湖韻

江雨盡蓬水戲夕陽鳶徑樵聲寒猿素壁長挂老鶴青枝
不鳴野客抱琴果俗秋花得句還清太無人管閒興蕙帶
荷衣道情

送草窓鄭司教森

薄枝繆投鼯鼠顛蒙繼祝螟螻伯仲常眉最白交遊籍眼
殊青孤燭寒光並舍高槐綠蔭連屏千里誤騰快足九霄
專養修翎調熟曲翻別引鼓多刃發新劍遲回蒼壁酬價
展轉丹砂乞靈獨對可陳董策晚收尚負梁經歲儉陶瓶
屢罄德馨顏巷初銘荏苒年翁漸迫吾伊夜子曾停極否
終丁泰運後凋不博秋零芸閣香浮書帶風雩響泛鐸鈴

騎鶴幾纏萬貫解龜續換雙瓶紫氣腰間劍室黃雲馬首
旗亭咨目送迎例斷遙心帶鶴前汀

五言絕

題釣臺

地盤一股出山擘兩厓開鼓枻隨漁父乾坤此釣臺

題扇次允齋

獨客迷莎徑雙松直野亭岩泉虛更落別調不堪聽

題孫九峯扇次石潭

海日高低影風舟遠近程利名剛兩字雲水一虛亭

紅梅

紫霞欺素影紅玉帶青煙風雪濛濛夜金丹化鶴年

七言絕

李文正公割 內醞爲二泉太夫人壽次韻

傳賜金莖第八天黃封分致壽堂前啐回玉液通仙露莫
漫人間有酒泉

玉厨金甕出黃封傳道師臣錫內供不爲循常割 恩賜
異香清帶子情濃

讀東坡李白辯

吾道綱常有二天虛名催逼漫樓船潯陽合是江潭水魚
腹還應有墓田

口頰勞勞枉亂真謫仙曾道不從璘仙才俠格知何繫空
有詩流浪漫人

題扇次允齋

新籜剥鱗參玉笋小槽分螳過茅柴溪橋隔斷非人世猶
有山風拄杖來

口占寄王金谿

沒膝泥平屬漏天尚難一刺直公前幾驚離合關情地又
是東華送別筵

九峯扇次李文正公韻

荔帶荷裳小籜冠玉樓時聳兩峯寒白沙瘦竹移情在一

長壽續集卷五
詩
曲將歸石上彈

有所思口占寄楊月湖

入定僧高元犯俗出門人老未歸山碧天抱膝空庭坐羞
見冥鴻海上還

七二春秋幾故吾一燈長伴兩身孤最憐雨雪寒鷄候不
夢蘭陂夢月湖

題畫

鬢髮滄浪老病翁小山時對桂花叢白沙翠竹迹名外一
棹江烟水月中

時苗留犢次三江韻

長育明分水草餘駕回元是赴時車帶非故物留何謝瘞
鹿懸漁此例書

行李蕭蕭得代餘壽人猶識舊牛車寄來一脉明心事杲
日亭亭副大書

題仙

渡海天風跨鶴還漫酬老癖與溪山綱常一種吾儒分不
放人間有許閒
地床茶竈隱晴烟洞口桃花不記年後老乾坤成底用名
家別自有神仙

口占寄君俊

身素純集卷五
詩
德星移照入南離物色當年已自知大冶鈞陶荷 明聖
太平無處不相宜

簡方西樵

真主分明舜與堯追崇詔下復誰搖悔深鑄錯行藏外祗
合西山老聽樵

題姚氏園亭

野晴山雀亂庭柯門巷春深長薜蘿候葉時花幾年紀風
烟猶識卧林窩

畫蘭草碧與花香隔斷煩聲日許長如此風光歲老大平
泉空愛睫前庄

與何燕泉伯子和文正公韻

望家深有典刑存奕業相仍子又孫稽古源流今得信下
方仕牒上 皇恩
父學師承更祖風駒龍雛鳳自奇童宗臣未說何曾事久
在涯翁鑒識中

題馬

歲經牝牡與驪黃龍脊真能隘八荒石粟心多還自信直
將汗血報 君王

題鴈

春去秋來蹟許忙夜清涼月夢江鄉魚蝦即少差年計留

與人間薄稻梁

題四皓

一夜仙風吹紫芝道人同是出山時從今莫道安劉事主
聖臣賢正作期

友古

學行焉敢望前人物化傳來局局新麗澤此心還自計欲
將河洛代雷陳

酬朱孔年惠菊

畫船江雨帶風斜過盡重陽未到家憶昨龍山曾送酒葑
門今日是黃花

柴桑歸愛一身輕中路黃花到眼明不見芙蓉見秋水寂
難摹索是風情

和少陵六絕

畫虎心多愧未成老來空有氣從衡松根一枕羲皇夢如
蓋山雲石上生

四愁漢調猶平子嗣響鄺炎格已休閱盡盆渠都是水何
曾日夜大江流

虞歌有派傳風雅漢選何名續楚騷稽阮嗣音副人意也
難募地拜劉曹

漢魏名家幾世人調孤無力附芳鄰殘編斷楮誰收拾已



原件短缺

卷之六

化荒荒架上塵

九首枚生信復疑格中何必問吾誰正聲變盡愁無批前
輩終爲後輩師

陶謝風流祗兩公後來韋柳亦相雄極知作者關名教不
混王楊譎薄中

雲寄失足幾墮

老難筋力出應稀蒙密青岡取徑微石洞雲閒喜人跡故
教藤刺強留衣

雲寄登登續往盟蒼岳路滑幾危坑山人老分天還鑄也
傍獨高峯處行

素翁續集卷七

男達編輯 姪孫大黼校刻

序

贈少廷尉黃后峰

國家承平久禁弛慮踈三渠奸誑惑以窺伺神器瑾誅死
彬與寧固在北巡復南巡也 國勢如一髮引千鈞孰敢
抗聲大義以擇肉虎口者哉黃郎中后峰踈六事偕同官
陸汝亨以進諸司響和並下詔獄爲禍且不測余諸孫以
乘復疏以進廷跪廷杖死者十二人后峰幸不死彬甘心
焉變姓名亡匿僅免鬼神者固有以相之矣宸濠叛 武

皇帝始下寧獄 慈壽皇太后復下彬獄中外人始席爲
怙 上入正大統首列更始之詔復諫者官卹其死事誅
二奸並連其黨于是后峰有南少廷尉之擢嗚呼謂世無
士非誣歟后峰倡之諸司群和之 新政訇發重有翕然
者士氣盛 國家元氣亦盛識治者卜世焉余初閱后峰
疏曰是無澹菴封事日月爭光者歟分一死與龍逢比干
遊無異也爲之私幸又幸不失后峰盛名難居然哉完固
有以破之矣后峰懷負純完記覽清澹 脩飾謹而進取澹
無患難居昔鄒浩諫立劉后除名其友田晝謂曰士所當
爲未止此也后峰當爲固未止此其浩然之氣固在無俟

余告也 命既下后峰謙讓慚忤余曰 新天子搜選忠
賢爲寃人倚命所謂千載一時者近卿雲現壺山識者謂
至人在宥甫士彙征之應后峰時出之以茂贊無刑風發
善類以發靈山嶽至寶積藏余未知其可松厓諸君子曰
然序速君君無緩焉

大方蕃祉序

大方蕃祉圖圖陳氏也大方石峰官稱也啓祉于先席祉
于後萃祉于一家一時焉故曰蕃祉也陳世厚達處義窮
處分如彥回公徽守爲烈也如居易公醇質自老以竟被
官封啓陳氏公昆季五人不圖圖存也爲公壽也諸子諸

孫不圖不盡圖也有石有松紀壽也亦紀節也有竹紀祖
孫父子也荆紀兄弟也坐左者公右季方俟軒也儒而中
衣降立旁左者伯子會仲子翰也抱自西階指若顧若趨
而前者閭孫也所貴于世天倫之樂爾矣禮父子篤兄弟
睦家之肥石峰不有石慶父子之美者乎不有姜肱兄弟
之美者乎俟軒不有王凝素業之美者乎易子克家諸續
戎祖考會翰不有元季二方之美者乎閭不有召公是似
之美者乎石峰平粹暇整邃中閣外廡不近名而厚不易
正自侍御懸次卿貳者久以忠觸禍起連擢數月而至左
方過家有舉孫之慶於是乎公六十矣百順皆備其幾家
幾人哉天之所助者順也君子思以靈承于天積故夕入
故大大故備履之上九曰視履考祥其旋元吉壽考昌大
固其所也然積非一人一朝之故而亦有小往大來吉亨
之時闕宮頌僖公也頌僖公必及魯公莊公季有以論其世洪範
敘建極也敘建極必及斂福錫福君子有以論其時石峰
有開自先有積于躬者故厚以當 新天子續圖啓泰以
受茲繁祉重非偶然者序斯圖并其至俟焉圖者峰湖詩
者松厓山齋數君子序予見素某也

緩流易退序

秦君樗庵從節甫閩憲謁我雲莊亟道所欲去之意余意

其與時消息有託而逃爾矣 新天子聖神天縱承序當
陽道君子乎長君猶去意如初如水赴壑挽之而不可回
夫雲雷經綸奚居獨言去拔茅茹以彙奚居言去其未由
臆測也君曰余殆有徵諸盛替之微與進止之幾者矣秦
上世無顯者是之謂遯秦斯之謂壯壯斯晉而明夷系焉
亦其數然者宰物者其容以哀取哉余伯氏蘭軒從簡暨
余暨叔氏憤峰從熙凡三第進士蘭軒憤峰晉六二受茲
介福余六五失得勿恤象也然亦載罹于夷垂翼下上者
殆茲二紀今雖長風上征無復孤舉之志且並影聯飛余
退然其在後余斯起也伯倦還叔斯起也余倦還亦其數
然者數道寓也羊舌氏兄弟之美人謂處顯兩尊余兄弟
並仕籍而解驂臺省曳杖丘樊與漁流耕叟相周旋足樂
也昔錢宣靖之退也地要而時乎蚤余散一臺察踰五而
還其惡敢班哉緩流易退志吾過爾矣余曰是何擇于緩
急者哉道爾矣急爲退緩亦爲退勇固道易亦未害爲道
犯激灘抗怒濤不寸進淪胥以溺視易退何如君笑而不
答君台人台相襲氣義余識蘭軒載識樗菴也序其然

毛氏兩節詩序

國家必有世綱人紀順其天常義烈貞風固其時化使所
天不移懷二心者無立地既死猶有餘辱也夫然後天下

之爲臣子爲婦者定而群正宗之百順集焉肇國啓家其
偶然之故哉余監滇南之明年爲弘治巳酉有事文闈比
四鼓閱一墨卷登落屢之意未有所決余曰神疲矣寘几
格間黎明再閱光炯彪發意大有所至抑世德有相以然
比揭曉爲毛君玉問其世無顯者家亦無足垂仁意獨爲
得士兆爾既進士爲給事爲之私慰又之又得其兩節之
詳毛世德有是往夕之事殆非偶然者毛爲良鄉右姓洪
武間從讓從征滇南留戍而天時劉始二十有四歲鞠孤
義以長義天魏始十有八歲鞠孤瑀以長雨夕霜晨婆苦
相啣濡爲命猶母子也魏曰姑喪所天寡弱萬里外其誰

與親姑難劉曰婦喪所天齒尤少婦難又曰以義以命無
難又曰移所天者其不良佑也且何面目人世天固毛氏
諒也鞠瑀以乞靈于天瑀存姑有孫婦有子螽斯有地毛
之鬼血食其不存如天何哉匪石之心其不可轉也魏曰
然君子謂定從讓初戍妹之婿牛與偕既天牛代之瑀長
牛還之時牛植有家或教瑀訟劉不可魏亦不可君子謂
之貞而世典多漏懿烈弗旌故有是惜也獨兩節然哉易
節之六四安節亨困之九五困於赤紱乃徐有說毛竟家
以完兩節以壽終孫子螿螿瑀被有給事封命給諫務持
大體華實芬沃遠至有階兩節之啓祉不誣冥冥者其有

以先告也書爲毛氏兩節詩序

鄭雙石赴召贈篇

士君子運同仁藏獨智有先時之退有循時之進與道消息者也雙石于成前是之疾非身疾也而獨引爲疾今是之可非身可也而同與爲可雙石之隱余無得而知也雙石無半畝之宮數弓之田官下大夫位任卑散祿升斗以自潤棄而違之君子謂守守藏智迨是遭際 新天子釐革庶弊搜進名賢得聖人之時檄書敦迫雙石幡然起抱袍裹糗車馬有行色君子謂達達運仁易遯之六二執用黃牛固志也泰初九拔茅茹以其彙征吉志在外也雙石有獨遯之志而不失相連而進之時前是之歸不以貧自沮今是之出其不爲貧而仕較明矣雙石有廉特之操凝遠之資身心體認之學卑散以默任天下之事士夫所與余老腐所畏也他日之至其誰則禦之雙石諒不負所學負 聖天子計亦不欲負士夫負余也竊瀆告焉夫不易者道而易易者情士窮經學古以名立於世其始不出群聖賢之成言往行比其用途遼絕事負其言後反其前斯情之過也制情所以入道雙石乘期應會連引同彙之賢討論其大經大法同聖賢者因之異聖賢者革之雜者純之偏者正之未振舉者奮勵之以上贊元僚効爲德宣沛

身... 卷一
六
覆下之仁以弼成正大光明之業其端在此斯雙石之素所以望雙石也

贈平厓序

尚幹之林德厚長世平厓世父雙松翁介父葵軒翁積官大小方伯父一樗翁舉于鄉不應禮部試以留餘造物羊舌氏進退兩尊然者茲文服有御史封命群從圭組殆東京之荀陳為近平厓專志古學在諸生無知者一日錄近作見我雲庄為之歛畏平厓惡從得哉六經其原史子其變渚而後洩得諸心而應之於其手汨汨然來矣別時時念之它日以語少谷少谷不知也歸而覓平厓自恨相

知之晚來書曰平厓城中所無余曰將闔中無爾平厓名遂起第進士又起御史裁數月忠鯁聲遂動廷著平厓副余知其亦不負余望也世固有持論無前者而屬事輒局寄言輒悖臨小利害輒改慮而易素平厓固懲諸此矣東巡有事無徒清弊源塞利孔為鷹揚扁視之威殆有百志元醇為太平地者夫惟簡也常重網間漏夫吞舟而明察淵魚亦識治之所宜戒也明道拾遺補闕之論神宗謂為得體至論人主當防未然之欲神宗俯身拱手曰當為卿戒之君子治化之本君身正者無不正者斯大臣宰相之事其獨一臺察間哉平厓試從事焉又將不獨閩中所無而

已平厓鉞名克相字

叙以賢行

吾家以賢貳轉運使也乞教言于我曰有祿屬型範于我世父諸父維莫之似而恃以無隕焉者竊有甚爾矣記諸生偕豫齋困齋龍坡麗澤以賢方以孩鴉玩弄掌股間長耳方面雙眸炯若余隱度是無煙樓撞破以發名成立踵吾家江陵者乎既之果然迨貳守瑞郡適值華林之寇余隱度是無盪滌渠兇以靖有斯土艾軒之剋平茶寇者乎既之果然其載貳安慶也猝值逆濠方張之勢余隱度是無邵州之抗聲大義孤城自守顏杲卿之牽拽平原賊進

不得窺金陵退而一敗塗地爲烈也是時三數文武臣共事畫竒決勝以賢功爲多而第庸晉秩顧若有不逮於常調進若却速之而顧若淹吾不知於以賢何如也然朝命甫下輿論籍籍以賢之信殆發機於此矣奚必食真封穹寄顯授然後爲快耶先是南巡之沮吾家以乘分百死群忠後處亦以左吾家之道其亦殆然者君子求在我屈與信數也淮南茲往將以賢謀焉鹽筴之利自齊始官自漢始自宋而蠱至我明正德之間極矣嘉靖釐革始駸駸然舊觀夫頰山煮海淮南七十二萬之課利權伸縮固有移夫彼而不恒屬于此者矣夫河流萬派故道屹不可

身素錄卷七
尋百蠶一葉則亦眇之遺利以賢杜私門塞敝孔搜剔耗
公之故而一與之節使時化無干吾常以承有裕國實邊
之匱以無貽當宁內顧之憂以賢自有信抑信固在耶以
賢行

送孚可弟叔言

翠庭孚可以四川總憲有行謂余諸兄行同筆硯且稔也
願聞法言余曰余言惟法余亦乃法惟言夫法何爲者也
夫法導民所違就而昭其畏者也是故有法畏有畏法畏
法者已畏也法畏者已畏而人畏也人畏也者非文深立
峻震之而後從也稱物平施民無犯焉爾矣已畏也者非守

墨善晦抑縮以成之也擇足而趨周慮而動法斯行焉傳
君子有已而後求人無已而後非人余法吏也持之以今
蓋未嘗一日闕焉忘斯畏也孚可之畏無亦余同乎監司
者諸道守法之地使也者吏之長而民之程也已所弗畏
民無程矣奚其畏豈惟夫民之無畏報以庶尤得弗辭乎
其罰矣奚其無畏故衆人以弗畏入畏而君子以畏立畏
其分審矣孚可之畏無亦審此也與孚可學得之殿元公
司教公守得之郡丞公而立孤養重言動無所於苟鄉稱
古君子無易一時群從三進士畏謹如出一人孚可歷御
史憲副叅知所至威惠並流而卑衣糲食猶故寒士知自

畏也而諏謀於是後也谷虛川流威濟而化行法舉而程以立蜀於是乎有餘懷矣獨畏已乎哉抑有畏者也有無畏者也吾家邵州之抗闢也礪石視頸若兄平藍曹且鵠刻之未竟無畏之收翠庭余畏弟逆瑾時獨不溷俗化爲士夫完人將視邵州爲烈吾林固有人哉書爲告

贈吳師夔

莆之吳仕族也師夔上世再發解首其四取上第曾伯父主事公取進士以問學名曾大父大父邑博公以孝友著君無易風素吾不徵諸文徵諸本清穎秀發吾不重諸其外而重諸其內師夔含咀醲郁取第甚蚤不屑屑循次大

學一不利禮部拂袖去及是三舉不利又去余追止之曰乙科亦仕正途上世楊文貞公魏文靖公並起師儒師儒未可易視也子之母老矣祿仕以逮親也化與政勞與逸殊爾成已成人一道也絃誦與簿牒孰清對子衿與鬼魅吏語誰適呵咍敲朴揖讓而雍容者有間也且教之職師夔家世物世德以正士趨世學以端士習其外取爲哉師夔吾愛也吾無隱于汝夫學然後知不足教然後知困師夔誠盡讀天下書盡窮天下之理其富如武庫如撞鐘寸莛大小隨應然猶未敢自足畫地而限與盆沼而盈者可鏡也師夔殆將徵前之恃以爲今之償惜陰繼畧遠紹旁搜

身書續集卷七
師夔之至將不止往日師夔者矣師夔官金壇去吾友遂菴翁卯橋踰舍遂翁無書不讀無物而不格師夔師人亦將師諸人昔子朱子既仕始及李延平之門自幸得師師夔幸從翁而學焉他日之至又將不止今日師夔者矣

贈鳳山秦公南尚書禮部序

上嗣大寶之二年用戶部侍郎秦公官南禮部尚書部尚書九峰孫公率部諸君子求贈言于見素義無辭曰斯公也吾與與也斯行也吾與處也大江之南錫文物爲盛錫大君子邵二泉公既又秦鳳山公德植而繼譽茂而齊乃劇有聞焉乃後獲與于二泉乃見公京邸時公登進士官

戶部屬部尚書韓洪洞公試業考行公乃重政乃舉乃脫疇拔僚焉後官河南提學副使忝育崇朴罷游黜靡士乃就政乃益舉焉官湖廣巡撫都御史激風申憲樹善而滌惡負勢者懾抱材者起含厄者無蓋政乃滋舉焉後官戶部侍郎部尚書九峰公爲公謂某曰公諳習故事疑詢刃解出入金穀平允弗傾而彌邵於昔於余有力政乃益滋舉焉是故九峰公數數上疏求去大爲公地若避路云茲禮部尚書而南南於錫乎便非公乎所也楊月湖公謝尚書 聖天子下廷臣議用公乎代月湖公亦難乎爲代公乃宜宜乃用公乃南九峰公與某疏歸數數私獲遂公之

席終南耶夫韓孫楊邵四老者天下之大老也或重公於家或重公于屬或重公于案或重公于代其何以得此哉其何以得此哉秦出少游後代有聞人則今之聞而重也固矣夫實實而掩者蔽蔑實而揚者諛諛君子之所羞也蔽亦君子之所短也今吾於言也二者其免乎慨衰以老役贈鮮寄於文章間積已歲月乃今弗諛弗蔽乃不敢例局例而不言則他日二泉公謂我何以不贈鳳山公其何辭以答是故序其所以家所以官內所以官外所以今日之南而他日之北公行哉

周貞菴奉母得告序

夏四月周貞菴念母老有故鄉之思即日疏致仕奉母以還以終孝而酬隱也 上念之許暫輟臺務奉母而南給驛舟公廩爲川涂之適時母以恩進太恭人以上壽賜綿帛被有 存問孫鳳鳴 璽書南服得偕以從君子謂福壽老母人世曠見初貞菴起御史大理丞而南請母南比卿貳而北也無敢有請業情事乎私母止之曰 新天子嗣服圖任更化兒不可私余亦欲北也有鳳乎在于菴遂祿仕逮親之榮無去親樂志之托請席請澣請寒煥飽飢爲常歲時上壽都憲拜前正郎拜後曾孫後子婦羅立官無異于家茲京而還途而經家而至孤杖

近周經軒遠覽與官奚擇哉呂榮公德氣醇厚歸申國太夫人之教宗曾子失恃而立以大母乎在周父子有然者吾家曲靖之母計部之大母壽九十九余嘗許序百歲壽今太恭人亦望九之年又將許序太恭百歲壽也周相先業儒貞菴世獨不收有儒效醇質隱行往往名吳會間以父久而大固然也貞菴周謹雅淡入可知孝出可知忠歛而寂待清而出可以知時余茲入也幸得友因焉蓉溪翁謂公茲行於名教尤繫不可無詩詩不可無敘於某乎屬謏劣之言非以贈君子也

壽大老邃菴楊公序

歲之冬六日少傅兼太子太傅吏部尚書武英殿大學士邃菴楊公七十壽之日公高弟子白巖喬公蓉溪金公桂巖邊公偕諸耆舊各賦詩豫致祝勤以敘乎役余曰公功在朝廷望在夷夏以紀之無極所謂壽也公壽然哉公少以神童薦京師讀書翰林經子辯博胸中一秘書詞義閱深胸中一理窟而理體明習物幾迎應又胸中一經綸道之立有如此者官外制時也經承指授四方士裹糧而至載董秦晉學政範立材成道之傳有如此者晉容臺再晉都臺爲三鎮長城入爲司徒爲冢宰壯猷磁議朝著表儀孤卿特進翊彌綸以負有文武道之行有如此者疏正國

是離煩釋重居卯橋者八年溫國獨樂晉公綠野以培植
士夫廉退之節道之樂又有如此者 聖明在御廷臣群
薦謂公不可一日離密勿猶欲起公以載總三鎮攝六職
公高尚屹不可奪 上意亦不欲煩我師臣固諒之矣
溫旨存問使命有加留有遺用以收有完名介有閒福壽
其豈徒哉余長公二歲常愧屈于公不知公亦人數于余
也同臭合響道義相規益者餘四十年擬其大支川渤海
也擬其高岫嶺喬岳也金焦几杖訂旬日以從青莎一棹
卯橋之雲水然夢寐良弼公有不怙席然者因壽公附焉

海虞陳氏族譜序

群分類聚凡物皆有族族皆有譜如植之族曰梅譜菊譜
荔枝之譜皆好事玩物之所庸心惟人之族譜其所同而
系其所以異有分人而無分祖有親教孝也有賢教敬也
後世有失則略畧則闕有失則附附則亂有失則誣誣則
驚贗而不可覈君子均有惜焉陳按樂記有虞之後周武
王所封析之閩候官古靈村族焉傳宋樞密直學士古靈
先生傳敬齋傳闈然傳一木傳北山爲温州教授宋季避
地海虞之塔西爲海虞人至侍御君迨凡十世世有紀君
子不謂略譜所可知君子不謂附詳所可勸君子亦不謂
誣是謂信後之譜其開先足尚其嗣述足副其闈揚彰大

身書紀集卷七
序
陳之世殆有所不得辭者而古靈圖譜侍御意有待也嗚呼天綱人紀君子所以脩諸身睦諸族以令問長世者也角弓刺骨肉相怨光遠自他有耀陳敬仲之後所以得政於齊而潁川之陳慙卿慙長嗣述重有告焉是譜有前輩楊文貞李文忠吳文肅張翰譔敘跋復敘侍御之請余副馬

侍御唐六亭奏最績

成周御史職書贊受法令秦監部漢直指唐裏行宋沿唐增置言事著在令甲 國家稽古定制內察府曹外察司屬又得以言爲職繩回掖正挈要而提綱必歷試乎効始

得內乎入稽其殿最又率外乎出惟宿望雄重積有勞勩儲之爲臺長爲卿少則內乎留于是人求自副以無負崇顯之拔湖南唐君應韶蚤受尊翁沃州之教居然遠器成進士試大行奉使有聲遂擢監察御史監稅又有聲兩按大藩兩監試事長河南道考覈惟允薛宣之明習韋思謙之正色彭器資之敢言無愧焉總憲度而植風聲非其人其誰歟六載再上最諸寅宋屬言爲贈余老不受役然於君尊翁有故乃言曰君臺之長也臺之責其知所以難者乎知人難論人非難識事難論事非難而求濟爲尤難蓋事之權有輕重人之迹有隱顯毋因事而病人亦毋因時

身素純集卷七
而病事要於濟爾矣昔趙閱道爲臺官君子有過則保全
護惜明道爲裏行神宗召對曰補闕拾遺則可二公知人
而又全人識事而又成事天下之士議屬焉端道軌贊中
興君自有地程趙有成訓幸偕諸君子細求之

壽麻大夫人九十敘

某自戊戌及拜我太師李文正公之門見公順事尊府太
師憇菴翁母麻太夫人穆如也處二弟東溟東川其翁如
也太夫人愛公亦與東溟東川無異意尤屬焉久乃知憇
翁善父賢擇而繼以無難于公公善子孝體而承以無間
于母也乾坤之於六子乾而健父道坤而順母道也六子

索而成男成女兄弟夫婦道也子無不愛其親父母亦無
有不愛於其子兄友弟恭夫義婦順道之常也惟母有所
親亦有所繼禮不殊而情異焉情異則偏偏則溺而禮乎
悖斯失恃之子之益悲也善子者致不異之情以默符不
殊之禮召慈固有所事本天施之同以自致一本之厚公
二弟而友斯太夫人所以無因自異成兄弟之美爲憇翁
之慰者也公以誠結主心以厚義孚于中外母若弟孚之
所也公夫人朱氏出勲貴成國公女抑抑盡婦以無外公
之刑于而大夫人之以慈召孝亦有所默通其間者均之
謂賢爾矣竊疑舜僅致頑嚚於不格姦殷中宗逐一夜五

起之孝已假蜂售讒伯奇不正其終斯曾子所以不續娶也其於李知憇翁嚴而正太夫人慈而順公孝而友公二弟有恭而化之道義制情情從禮禮召和朱夫人婦職無有異焉是謂和德之極太夫人荐封顯錫配上公而躋一品殆位遇而極及茲九十而壽不杖不扶神力健爽又福壽而極悅之晨八月晦又前日也前是公率孫曾爲壽及是朱夫人率符卿兆蕃暨諸孫曾中翰兆延爲壽兩玉輝煌六翟有耀世所誠少也公門人孤卿百君子以次上觴有詩有敘前八十楊少傅遂翁實序及是序九十崔大正世興以歸之某公輸之門斲者縮手然太夫人福壽足書

爲母世訓足書憇翁與公一門之家法固在尤足書故序

書